

Октябрин 41-ч өөн уктдж

ПЕКИН. (ТАСС). Алдр Октябрьск социалистическ революцин 41-ч өөниг темдглхин эркд китдин олн-ämtн байртагъар белдджанä. Эн алдр ик темдгтä одрт нерäддж деревеньсär болн селäдär, заводмудар болн фабриксär, школмудар болн институтсар, государственн учрежденьсär, олн-ämtнä сулдхврин цергин частьсар Октябрин 41-ч өөнä тускар, экономическ болн культурн тосхлтдан советск олн-ämtнä диилврин тускар, Китдин олн-ämtн болн советск олн-ämtн хоорндк ах-дүүгъин иньгллгънä тускар докладмуд болн лекцс кегддж йовна. Советск Союзин бääдл-джиргълин тускар Советск Союзд ирäd хäрсн литературин болн искус-

ствин үүлдäчнр, кöдлмшчнр болн крестьян улс кесг олн байрин хургудар босдж келцхänä.

Пекинд болн орн-нутгин наадк балгъсдар ноябрин 6-д Алдр Октябрин 41-ч өөнд нерäдсн байрин хургуд болхмн. Китдин Олн-ämtнä Республикин хотл балгъсн — Пекинд Советск Союзин тускар фото зургудин гääхүл, советск болн китдин орн-нутгудин олн-ämtнä иньгллгънд нерäдсн модн деер сиилсн сиилврин гääхүл, тоуга олн фотовитрин балгъсдин уульнцсар тäвгдсн бääнä.

Китд-советск иньгллгънä обществин пекинск äнъг советск күгджмин, келврмүдин болн шүлгүдин нär-наад, советск

шин фильмс үзүлхмн. Байчин өмнк өдрмүдт Китдин ол балгъснд, китдт бääх советск специалистнр, Пекинä сургъулин заведеньсär сургъуль сурцах советск студентнр китдин үүрмүдлä иньгллгъни харгълда келцхähмн.

Ноябрин 7-с авн 15 күртл советск кинофильмсин фестиваль үзүлгдхмн. Советск кинофильмс «Коммунист», «Тихий-Дон» (1-ч серий), «Семья Ульяновых», «Великий перелом», «Рассказы о Ленине» болн нань чигн фильмс Пекинä, Шанхайин, Тяньцзинä, Шэньяна болн нань чигн балгъсдин экрансар үзүлгдхмн. Советск кинофильмсин фестиваль ноябрин 5-д Пекинд секгдхмн.